



Mektebski list



KANDIJI

MEDŽLIS ISLAMSKE ZAJEDNICE SREBRENİK

Broj 9 • Godina IV • Srebrenik, maj 2014. g. / Redžeb 1435. h.g. • Cijena 1,00 KM

TEMA BROJA:

DŽEMAT OMERBAŠIĆI



MEKTEBSKO TAKMIČENJE

DŽEMAT CENTAR SREBRENİK




Posjetite nas
na Facebook
profilu

NAGRADNI KVIKZ

**Najpoznatiji fudbaleri
muslimani u Premijershipu**





Izdavač:
MEDŽLIS ISLAMSKJE ZAJEDNICE
SREBRENİK

Za izdavača:
Mevludin ef. Joldić

Glavni i odgovorni urednik:
Damir ef. Babajić

Redakcija:
Refik ef. Hodžić glavni imam,
Mevludin ef. Joldić - predsjednik IO,
Emir ef. Brašnjčić, Jasmin ef. Sukanović

Lektor:
Damir ef. Babajić

DTP
PRINTAS d.o.o. Srebrenik

Štampa:
PRINTAS d.o.o. Srebrenik

Tiraž:
300 primjeraka

Srebrenik, maj 2014. godine
Redžeb 1435. h. godine

Adresa redakcije:
MEDŽLIS ISLAMSKJE ZAJEDNICE
SREBRENİK
Ul. M. Tita bb, 75350 Srebrenik
e-mail: info@medzlisrebrenik.com
www.medzlisizsrebrenik.com

e-mail: kandilj@hotmail.com

بِسْمِ اللَّهِ الرَّحْمَنِ الرَّحِيمِ

U ime Allaha. milostivog, samilosnog

Hvala pripada samo Allahu dž.š., neka je salavat i selam na poslanika Muhammeda a.s.

Draga djeco!

Es-selamu alejkum!

Evo nas sa 9. brojem časopisa Kandilj u kojem vas očekuje mnogo zanimljivih sadržaja. Nadamo se da će vam se svidjet onoliko koliko i brojevi koji su iza nas. Trudili smo se da za vas odaberemo različite i zanimljive teme, ali i da unesemo neke vaše radove i priloge koje ste nam slali zajedno sa vašim muallimima. Na našu veliku radost pristiglo je dosta vaših radova i prijedloga i to će nam pomoći da sljedeći naš broj bude još interesantniji. Jedan od vaših prijedloga je bio da u idućim brojevima našeg Kandilja predstavimo nekoliko polaznika mektebske nastave, što ćemo i učiniti ako Bog da, i u ovom broju vam dostavljamo način na koji ćete to moći učiniti (urnek za predstavljanje učenika na stranici broj 2).

Javlajte se i dalje, a svojim idejama doprinesite da ovaj naš časopis bude što bogatiji i privlačniji.

U ovom broju časopisa predstavljamo vam džemate Omerbašići i Centar Srebrenik, najbitnije karakteristike, mekteb i mektebske polaznike. U ovom broju vam donosimo zanimljivosti sa internet stranica, otvoren je facebook profil pod nazivom „Kandilj mektebske novine“ te otvorena je facebook grupa Kandilj, pa je posjetite i pišite korisne informacije kao i komentare.

Iskreno, vaši urednici!

KANDILJ SVIMA VAMA OTVARA MOGUĆNOST DA SE PREDSTAVITE NJEGOVIM ČITATELJIMA. AKO TO ŽELITE, BIT ĆE DOVOLJNO DA ISPUNITE OVAJ OBRAZAC, ZALIJEPI TE SVOJU SLIKU I TO NAM POŠALJETE NA ADRESU LISTA, PUTEM E-MAILA ILI DOSTAVITE SVOM MUALLIMU. PREDSTAVLJAM SE:

(fotografija)

Ime i prezime _____

Škola i razred _____

Mjesto _____

Datum rođenja _____

Mekteb koji pohađaš _____

Stupanj mekteba _____

Učiš li u Kur'anu ili sufari _____

Hobi _____

DODJELA NAGRADA ZA NAJBOLJE LITERARNE RADOVE

Medžlis islamske zajednice Srebrenik prati sve aktivnosti na svom području koje doprinose poboljšanju rada Medžlisa, njenih džemata kao i svakog člana svoje zajednice. Zsigurno veliki doprinos daje na polju mektepske nastave kao i saradnje sa polaznicima vjeronauke u školama na području općine Srebrenik. Medžlis IZ-e Srebrenik već nekoliko godina u saradnji sa vjeroučiteljima, te UG "Pustinska ruža" organizira obilježavanje dana rođenja posljednjeg Allahova poslanika Muhammeda a.s. Tako i ove godine u povodu obilježavanja dana mevluda, 12. rebiul-ewela, dana rođenja posljednjeg Allahovog poslanika, MIZ Srebrenik u saradnji sa U.G. Pustinska ruža je raspisao konkurs za najbolji literarni rad na temu:

"Pismo Poslaniku, a.s." Konkurs je trajao od 11.12.2013.g. do 30.12.2013.g., a rezultate konkursa objavljujemo na službenim stranicama Medžlisa IZ-e Srebrenik i U.G. Pustinska ruža kao i na facebook profilu Pustinske ruže.

Pravo učešća imali su učenici osnovnih škola i polaznici mektepske nastave na području Medžlisa

IZ-e Srebrenik.

U ponedjeljak, 13.01.2014. godine sa početkom u 17:30 sati u prostorijama Medžlisa Srebrenik proglašeni su najbolji radovi iz literarnog konkursa na temu "Pismo Poslaniku". Na samom početku ašare je proučio polaznik mekteba Brda Faruk Joldić. Glavni imam MIZ Srebrenik Refik ef. Hodžić je poselamio sve prisutne i podsjetio na ulogu koji bi Pejgamber a.s. trebao imati u našim životima. Zatim se obratio predsjednik U.G. Pustinska ruža Esmir Selimović sa porukom da je ovo udruženje spremno na saradnju sa svima koji običnom narodu žele lakši život. Najzanimljiviji dio programa je naravno svečano proglašenje najuspješnijih radova. Komisija u sastavu mr. Abdulah Arifović, Osman-ef. Mujić i profesor bosanskog jezika i književnosti Sehid Mulavdić, je nakon velikog broja pristiglih radova pregledala i ocijenila radove, te izdvojila četiri najbolja rada:

1. mjesto Karić Ajdin – džemat Kiseljak
2. mjesto Zukić Selmira – džemat Lisovići
3. i 4. mjesto dijele Rešidović Ajla-II O.Š. Srebrenik

i Joldić Adelisa O.Š. Sladna

Diplome i novčane nagrade najuspješnijim učesnicima ovog konkursa je uručio, u ime MIZ Srebrenik, glavni imam Refik ef. Hodžić dok je predsjednik U.G. Pustinska Ruža Esmir ef. Selimović uručio skromne hedije. Za prelijep ambijent dužni smo zahvaliti hour II O.Š. Srebrenik koji su izveli par prelijepih ilahija, te njihovim vjeroučiteljima Abdulahu i Mireli. Na kraju je pobjednik Karić Ajdin pročitao svoj nagrađeni rad a njegov glas je izmamio i suze kod nekih posjetilaca ove manifestacije. Zahvaljujemo se U.G. Pustinska ruža, MIZ Srebrenik i Aktivu Vjeroučitelja kao i imamima bez kojih ovaj projekat ne bi bio ovako uspješan.

Zahvaljujemo se svim učesnicima na trudu i zalaganju te im želimo puno sreće idući put, a pobjednicima čestitamo na osvojenim mjestima i molimo Allaha da ih sve nagradi i podari snage i uspjeha kako u mektebu, školi, tako i na svim putevima u vašim životima. Donosimo Vam u cjelosti rad Ajdina Karića, polaznika mektepske nastave Kiseljak, koji je osvojio I mjesto.

Pismo Poslaniku a.s.

Bismillahir-rahmanir-rahim

Razmišljao sam dugo kako započeti ovo pismo. U današnjem vaktu teško je naći prijatelje koje možemo nazvati iskrenima.

I tako tragajući u mislima za nekim, kome bih mogao iznijeti svoje misli, svoje probleme, i sve ono što me tišti, sjetih se da imam samo jednog iskrenog, najiskrenijeg prijatelja, tebe, dragi moj Poslaniče. Iako više nisi među stanovnicima dunjaluka ovo pismo ipak posvećujem tebi. Pišem ti iskreno, iz dubine svoga bića, kako bih bio bliže tebi, kako bih bio pokorniji Allahu.

Pišem ti kao dobrom prijatelju, pišem ti kao bratu, koji je otišao negdje daleko da bi se na kraju opet vratio.

Želim ti ovim pismom ispričati šta me tišti i o čemu razmišljam, da ti kažem kakav je svijet danas u kojem živimo. Želim da ti kažem da se obistinilo mnogo toga što si predskazao.

Moj poslaniče...naš poslaniče...ti, donosiće radosnih vijesti. Nekad u davna vremena si došao da ljude izvedeš iz tame na svjetlo. Sada je došlo vrijeme kada se ljudi vraćaju sa svjetla u tamu. U tvoje vrijeme ljudi su se klanjali kipovima i lažnim bogovima. A sada dragi poslaniče, ljudi se klanjaju novcu. Ljudi su robovi svojih strasti, pa je moral iščezao iz naših života. Ljudi su robovi vanjske ljepote, a zaboravljaju da je ljepota prolazna...baš kao i ovaj život. Nestalo je povjerenja, pa ne mogu skoro nikom na dunjaluku nešto povjeriti bez straha da to ne bude iznevjereno.

Ali mili moj poslaniče, najteže mi je kada vidim kako se muslimani ophode jedni prema drugima. Počesto se zapitam zašto je to sve tako?! Možda da budemo svjeshniji prolaznosti i bezvrijednosti dunjaluka. Možda...možda...možda...

Ali na kraju sebi kažem da je možda najbolje ovako kako jest. A tako sebi uvijek

kažem kada se sjetim imanskog šarta: ve bil-qaderi hajrihi ve šerih minellahi teala (I sve što se dešava, dobro i loše, biva Allahovom voljom i Allahovim određenjem).

I sad pisajući ovo pismo na um mi pade da ni ti nisi imao lahak život. Proganjali su te, tukli su te, pljuvali su te, proglašavali lašcem i borili se protiv tebe, ali ti ipak nisi odustao i uspio si.

Možda je to pouka i nama da nikada ne odustajemo i da ne očajavamo, ma koliko god nam teško bilo. Uvijek si molio Allaha i On je uvijek bio uz tebe. I ja ću moliti samo Allaha, pa da uvijek bude i uz mene.

I evo privodeći ovo pismo kraju sjetih se da ti napišem i neke dobre stvari koje se dešavaju. Iako mnogi ljudi, pogotovo omladina, ide pogrešnim putem, isto toliko je onih koji se vraćaju pravom putu.

Sve više ljudi idu na hadždž, grade se džamije, mektebi, škole i mnogo toga. Obnovili smo i Ferhadiju u Banja Luci. Proširili harem u Mekki. Gradimo mnoge javne kuhinje, česme, biblioteke...

Mladi ljudi, moji prijatelji i poznanici, sve češće idu u džamiju. Uče o tebi, uče o tvom životu, uče o Allahu, uče o Islamu. Zaista se ponosim što pripadam tvom ummetu.

I evo dođoh i do kraja. Nadam se da te nisam plaho bihuzurio. Zamolio bih te da preneseš moj selam svim poslanicima, jer ja vas sve volim. Neka je na tebe i na sve poslanike Allahov mir i spas. Uživajte u džennetskim ljepotama. Nadam se da ću i ja jednog dana uživati sa vama.

Esselamu alejkum ja resulallah.

"Vi u Božijem poslaniku imate najljepši uzor." Qur'an

"Allah mi je naredio da moj put bude pouka, da naređujem ono što je ispravno i lijepo."-Hadis





IMANSKI ŠARTI

U imanskom vjerovanju sadržano je šest temeljnih istina vjere. Ko vjeruje šest imanskih šarta, srcem i jezikom ih izgovara u potpunosti, bez ikakve sumnje, on je vjernik (musliman).

1. Amentu billahi	Ja vjerujem Allaha Uzvišenog
2. we melaiketih	i meleke Njegove
3. we kutubih	i objavljene kitabe (knjige)
4. we rusulih	i poslanike Njegove
5. wel jewmil ahiri	i Dan suđenja
6. we bil kaderi hajrihi we šerih	i vjerujem da sve što se događa i zbiva, biva voljom Svemogućeg

Vjerujem u Boga. Bog ima - opstoji, nije ničem sličan. Bog živi, zna, čuje, vidi, sve čini Svojom voljom, svemoćan je,

Božije Objave, koje su prenosili i tumačili Ijudima Božiji poslanici. Te objave donosio je od Boga melek Džebail. Najpoznatija su ova četiri kitaba: Tevrat, koji je dostavljen Musau, a.s., Zebur, dostavljen Davudu, a.s., Indžil, koji je dostavljen Isau, a.s., i Kur'an - Kitab, koji je objavio Bog, dž.š., po meleku Džebailu, Svome posljednjem poslaniku Muhammedu, a.s. Kur'an je objavljen na arapskom jeziku.

Knjiga u kojoj je sadržan Kur'an zove se Mushaf. Kur'an ima 114 sura (poglavlja) i 6236 ajeta (rečenica).

Svaki musliman treba da zna napamet prvu suru iz Kur'ana i još najmanje dvije sure. Poželjno je da svaki musliman zna da čita (uči) Kur'an i da u svakom većem mjestu bude makar jedna osoba koja zna cio Kur'an napamet (hafiz).

Vjerujem u Božije poslanike. Prvi čovjek na zemlji bio je Adem, a.s. Bog, dž.š., stvorio je Adema i njegovu ženu Havvu od kojih je potekao Ijudski rod.

Božiji poslanici bili su odabrani Ijudi, kojima je Bog, dž.š., slao Svoje upute da ih prenose i tumače Ijudima. Božijih poslanika bilo je mnogo, a u Kur'anu je spomenuto poimenice 25.


Svi Božiji poslanici bili su pametni, te bez duševnih i tjelesnih mana, nisu nikada griješili, govorili su uvijek istinu i vjerno su kazivali i tumačili Ijudima Božiju objavu. Prvi Božiji poslanik bio je Adem, a.s., a posljednji Muhammed, a. s. Najpoznatiji Božiji poslanici su: Adem, Nuh, Ibrahim, Musa, Isa i Muhammed, a.s.

Kad se spomene neki Božiji poslanik, treba uz njegovo ime dodati: alejhis-selam, a skraćeno se to piše: a.s.

Vjerujem u Sudnji dan. Sudnji dan je vrijeme kada će Bog, dž.š., suditi Ijudima za njihova djela. Ko

bude zaslužio milost Božiju bit će nagrađen Džennetom, a ko se bude ogriješio prema Božijim zapovijedima, bit će kažnjen Džehennemom, ukoliko mu Allah ne oprost. Samo Allah, dž.š., zna kada će biti Sudnji dan. Džennet je mjesto gdje će vječno uživati sve blagodati samo oni koji zasluže Božiju milost. Džehennem je mjesto gdje će, prema grijesima, patiti samo oni koji su se ogriješili prema Božijim zapovijedima, ukoliko im Svemogućer ne oprost.

Vjerujem u Božije određenje - kader. Sve što se događa, biva s Božijom odredbom. Bog, dž.š., dao je Ijudima razum i slobodnu volju da se odlučuju za dobra ili zla djela. Čovjek se mora truditi i nastojati da radi dobra djela, a ako ga u životu zadesi kakva nesreća, treba je strpljivo podnijeti.



Brdo Musaa a.s. na Sinaju (Egipat)

sve stvara, uzdržava i rastvara.

Kad se spomene Božije ime, treba reći i: dželleše'nuhu, to se skraćeno piše dž.š., što znači: Uzvišeni.

Vjerujem u Božije meleke. Meleki su Božija nevidljiva bića. Bog, dž.š., je melekima odredio različite dužnosti. Oni nikada ne griješe. Meleki prate čovjeka, donose mu dobre misli i pišu njegova djela. Meleka ima vrlo mnogo, a najpoznatiji su: Džebail, Azrail, Israfil i Mikail.

Osim meleka ima i drugih nevidljivih bića koja se zovu džini, kao i šejtani koji donose zle misli. Šejtane odbijamo učeći: Euzu billahi mineš-šejtanir-radžim (Utječem se Bogu od prokletog šejtana.)

Vjerujem u Božije kitabe - Knjige. Božiji Kitabi su

DŽEMAT OMERBAŠIĆI

Džemat Omerbašići nalazi se osam kilometara zapadno od Srebrenika, u reonu naselja Sladna, na lokalnom putu Srebrenik - Gračanica. Džemat Omerbašići ima oko 80 domaćinstava. Ovaj džemat spada među kategoriju manjih džemata, što potvrđuje i brojnost domaćinstava.

Ovaj džemat do 1978. godine sastojao se od dva velika zaseoka i to: Omerbašići i Lušnica. Te godine se zbog potreba vjernika Lušnice ovaj džemat odvaja od Omerbašića. Prva džamija u ovom džematu izgrađena je 1974. godine, kada je svečano i otvorena. Ova džamija je sagrađena u prelijepom stilu od betonskih elemenata, crvenim crijepom na četiri vode, a uz džamiju je izgrađena zidana munara sa jednom šerefom. Temeljito renoviranje džamije obavili su džematlije ovog džemata na čelu sa tadašnjim džematskim odborom 2002. godine, zadržavajući autentični izgled džamije. Džamija je obnovljena 2012. godine kada enterijer džamije dobiva potpuno novi i osvježen izgled, a 2013. godine renovirana je munara na džamiji.

Imami koji su službovali u ovom džematu su : Mustafa-ef Mujkić, Halil-ef Mašić, Zajim-ef Mutapčić, Mirzet-ef Ibrić, Kasim-ef Osmić i sadašnji imam Dinko ef. Tokić.

Od vakufske imovine, osim navedene džamije, u džematu se nalazi vakuf-kuća, tri dunuma zemlje koje su uvakufili Rešid i Mejra Mutapčić, mjesno mezarje i tri parcele obradivog zemljišta.

Najistaknutiji vakifi ovog džemata Šerif i Rešid Mutapčić i Ibrahim Salihović.

U džamiji se obavljaju džuma- namaz, teravih – namaz i drugi propisani namazi, a mektebska nastava održava se dva dana u sedmici, subotom i nedjeljom. U mektepskoj 2013./14. godini upisano je 30 polaznika mekteba od čega je 24 učenika redovno. Polaznici mektepske nastave Omerbašići redovno učestuju na takmičenjima koje organizira Medžlis IZ-e Srebrenik.



DŽEMAT CENTAR SREBRENİK

Džemat Centar Srebrenik smješten je u gradskom području Srebrenika. Prvi imam džemata je bio Hasan ef. Saračević. Tada su se obredi vršili u kući (objektu) koja je smještena u današnjoj ulici Mehmeda Spahije u Srebreniku. Pomenuti objektat je bio i sjedište tadašnjeg Odbora islamske zajednice Srebrenik, bio je mesdžid u kome su se klanjale džume i ostali namazi, te mekteb. Kako se grad Srebrenik širio, građani Srebrenika su osjetili potrebu za izgradnjom većeg objekta koji će podmiriti vjerske potrebe srebreničana. Tako je u oktobru 1982. počela izgradnja Gradske džamije. Svečano otvorenje džamije je bilo 25. septembra 1988. Imami koji su obavljali dužnost u ovom džematu su: Hasan ef. Saračević, Muzaffer ef. Delić, Adem ef. Hadžić, Sifet ef. Jahić kao drugi imam, Ramiz ef. Bajić, Sifet ef. Omerović, hfz. Elmedin ef. Karaman, Abdulvehab ef. Vehabović, Muhamed ef. Bašić i Ismet ef. Mustabašić. Današnji imam, hatib i muallim džemata je Emir ef. Brašnjčić.



Mektebska učionica je u sklopu džamije. Renovirana je 2010. god., te opremljena sa novim inven-

tarom. Učionica posjeduje i sva neophodna moderna tehnička pomagala: kompjuter, laptop, projektor, tabla 'piši-briši' ... Mektebska nastava se izvodi subotom i nedjeljom. U mektebskoj 2013/14 god. je upisano 119 učenika raspoređenih u 4 grupe. Od toga njih 39 uči arapsko pismo, a 26 ih uči Kur'an. Prošle godine hatmu je završilo 15 učenika, te je promocija istih upriličena za 27. noć mjeseca Ramazana. Ove godine, na mektebskom takmičenju na nivou Medžlisa, naš džemat su predstavljali učenici: Najra M.G. Barakat, Sara M.G. Barakat, Jašarević Hamza i Čizmić Tarik, koji su kao ekipa zauzeli četvrto mjesto. Svakog Bajrama, učenici mekteba C. Srebrenik, bivaju obradovani bajramskim paketićima. Hedije ne izostaju ni za Novu hidžretzsku godinu.



Svake godine, naši učenici idu na ekskurzije. U posljednjih nekoliko godina, učenici mekteba C. Srebrenik su posjetili: Zenicu, Maglaj, Istanbul (sedmodnevna ekskurzija), Travnik, a ove godine, 46 učenika je otišlo na izlet uz roštiljijadu na Zlaću kod Banovića.

Naš džemat posebnu saradnju ima sa II osnovnom





školom i muallimom-nastavnicom vjeronauke Mirelom Jukić, koja svake godine učenice i učenike iz osnovne škole dovodi u obilazak džamije i mekteba.



Dana 10.30.2014., našu džamiju su posjetili učenici Perzijsko-bosanskog koledža, na čelu sa direktorom Seadom Poturkom. Tom prilikom im se imam Emir ef. Brašnjčić obratio, te upriličio kratku prezentaciju grada Srebrenika i vjerskog života u njemu.



Kod nas je uvijek zanimljivo i veselo. Ko ne vjeruje, neka nas posjeti. Uvijek ćete lijepo biti i počašćeni slatkim programom, a za to se uglavnom brine naš

vrijedni džematlija hadži Sadik Ibraimi. Mahsuz Vas selamimo.

PREDSTAVLJANJE UČENIKA

Zovem se Jašarević Hamza, sin Muhameda i Nermine. Rođen sam 20.06.2004. godine. Imam dragog brata Džemala, koji je od mene mlađi šest godina. Učenik sam četvrtog razreda Druge osnovne škole Srebrenik. U mekteb sam se upisao sa nepunih šest godina, a Kur'an sam počeo intenzivno učiti od trećeg



Hamza Jašarević

razreda osnovne škole, tačnije od 16.12.2012. godine (3. safer 1434. h.g.), sa osam godina, kada sam od svog muallima Emira ef. Brašnjčića dobio Kur'an na poklon. U drugom i trećem razredu sam dobio posebnu diplomu kao najbolji učenik svoje generacije. Volim sport, a najviše košarku, tako da već dvije godine treniram u košarkaškom klubu Siver Kings iz Srebrenika, i jedan sam od najboljih pionira, po riječima trenera.

O Hamzi, njegov muallim, Emir ef. Brašnjčić veli: Hamza zaslužuje da se predstavi našim Kandiljevcima. Hamza potiče iz ugledne, obrazovane, vjerske porodice. Lijepo je vidjeti tu četveročlanu porodicu kada zajedno dođu na namaz u džamiju, posebno Hamzu i njegovog brata Džemala. Hamza i Džemal sa roditeljima redovno posjećuju i mukabele u našoj džamiji, te su i u tome uzor našoj djeci. Sjećam im se i kada su bili mnogo manji, ali uvijek pametni i vaspitani, pomno su slušali učenje Kur'ana.

Hamza je sa osam godina počeo učiti Kur'an, a sa deset godina je uspješno položio hatmenski ispit, i bio najmlađi svršeni hatme našeg džemata. Moglo se to od njega i očekivati, jer sam na njemu od prvih dana dolaska u mekteb primijetio, ne samo inteligenciju, nego i ozbiljnost u radu. Hamza je ove godine na mektebskom takmičenju na nivou Medžlisa predstavljao naš džemat iz općeg znanja, te je sa ekipom našeg džemata zauzeo četvrto mjesto. I to nije sve, Hamza često mujezini u našoj džamiji. Čestitke Hamzi i njegovim srenim roditeljima., uz dovu Uzvišenom da ima da mnogo zdravlja, sreće, uspjeha, nafake

AKTIVNOSTI MEDŽLISA IZ-e SREBRENİK POVODOM OBILJEŽAVANJA DANA MEVLUDA

Centralna mevludska svečanost u Srebreniku Muhammed a.s. najbolji uzor održana u džematu Bare

Centralna mevludska svečanost upriličena je 12. rebiul-ewela 1435. hidžratske godine, to jest u ponedjeljak 13. januara 2014 godine u džamiji džemata Bare, nakon podne-namaza.

Povodom rođenja Božijeg poslanika Muhammeda, a.s. Medžlis IZ-e Srebrenik je upriličio nekoliko svečanosti. Tim povodom u džamiji Bare u ponedjeljak iza podne-namaza upriličena je centralna mevludska svečanost na području Medžlisa islamske zajednice Srebrenik.

U bogatom vjerskom programu u kojem su učeni ajeti iz Kur'ana Časnog, ilahije i odlomci iz Mevluda učešće su uzeli srebrenički imami. Svečanosti je prisustvovao glavni imam, predsjednik Medžlisa Mevludin-ef Joldić, srebrenički imami, i mnogobrojne džematlije.

Na početku svečanosti prisutnima se obratio imam džamije u Barama Muhamed efendija Bašić. On je poželio dobrodošlicu svim prisutnim i izrazio oduševljenje što se džamija u Barama popunila do posljednjeg mjesta.

Nakon obraćanja imama džamije Muhamed efendije uslijedilo je izvođenje prigodnog mevludskog programa kojeg su izveli imami Medžlisa Islamske zajednice Srebrenik. Prisutni su mogli uživati u prelepom učenju odlomaka Kur'ana, učenju ilahija i kasida, te interpretiranju odlomaka Mevlud-i šerifa.

Nakon završenog mevludskog programa džematlijama se obratio i Refik-ef Hodžić, glavni srebrenički imam, izrazio svoje zadovoljstvo što je danas dio ovog džemata, te uputio nekoliko savjeta. Nakon glavnog imama prisutne je svojim vazom počastio današnji vaiz hfz. Husein-ef Čajlaković, koji je u svome obraćanju između ostalog istakao nužnost posjedovanja ljubavi prema Muhammedu, a.s. najodabranijem ljudskom biću, potrebe stalnog donošenja salavata na njega i o vrijednostima donošenja salavata, oživljavanja njegovog sunneta i postupanje po njemu. On je govorio o poslaniku Muhammedu a.s. i vrijednostima u slijeđenju sunneta kojeg nam je ostavio Muhammed a.s.

Na kraju svog izlaganja Husein efendija je zamolio Allaha, dž.š., da nam pomogne da nađemo načina kako da slijedimo Poslanika, a.s., u svakom našem postupku, te je zamolio Svevišnjeg da obilato nagradi sve one koji su došli u džamiju džemata Bare da se na ovaj način prisjete rođenja našeg miljenika, Muhammeda, a.s. Nakon završenog cjelokupnog programa izvršena je dodjela priznanja i nagrada svim pobjednicima ovogodišnjeg takmičenja, testiranja, koje je održano u svim mektebima na području Medžlisa Srebrenik. Medžlis IZ-e Srebrenik svake godine povodom obilježavanja 12. rebiul-ewela, dsana rođenja Muhammeda a.s. organizira takmičenje za sve polaznike mekteba na temu Muhammed a.s.-život posljednjeg Allahovog poslanika". Ove godine najbolji su bili svi polaznici mekteba na Medžlisu, a čast da prime priznanja i nagrade pripalo je 36 polaznika mektepske nastave. Mevludski program je okončan učenjem prikladne dove.

Koristimo ovu priliku da se zahvalimo džematu Bare, džematskom odboru, imamu ovog džemata Muhamed-ef Bašiću, koji su bili organizatori ovogodišnje centralne mevludske svečanosti. Važno je napomenuti da su djeca iz ovog džemata počastila svakog prisutnog vjernika na mevludskoj svečanosti uručivši im kolače i slatkiše.

Svečanosti u džematima

U džematu Špionica održana je svečanost povodom obilježavanja 12. rebiul-ewela, dsana rođenja Muhammeda a.s., 12. januara 2014.g (nedjelja) nakon akšam-namaz, gost predavač na ovoj svečanosti bio je Hfz. Esmir ef. Selimović, imam džemata Luka, Medžlis IZ-e Srebrenik.

U džematu Tinja održana je svečanost povodom



obilježavanja 12. rebiul-ewela, dsana rođenja Muhammeda a.s., 12. januara 2014.g (nedjelja) nakon akšam-namaz, gost predavač na ovoj svečanosti bio je Mevludin-ef. Joldić, imam džemata Lušnica, Medžlis IZ-e Srebrenik.

U svim džamijama na području Medžlisa Srebrenik u nedjelju na akšam-namazu proučen je mevlud-i-šerif, te održana prigodna svečanost povodom obilježavanja 12. rebiul-ewela, dsana rođenja Muhammeda a.s.

Molimo Allaha da nagradi sve muslimane svijeta, a posebno one koji su osjetili ljubav prema poslaniku, koji su došli u džamije da zajedno donose salavate na njega, da zajednički upute dovu, te jačaju međusobne veze. Allahu nagradi sve one koji su došli u džamiju Bare da uveličaju ovu svečanost, sve imame kao i džematlije ovog džemata koji su bili izuzetni domaćini, nagradi sve učesnike svih aktivnosti, svu djecu koja su učestvovala na ovim projektima kao i pobjednicima. Amin!

Damir-ef Babajić

KURBAN BAJRAM U SREBRENIKU

Veliki broj Bošnjaka, vjernika sa srebreničke opštine za bajram je, povodom velikog muslimanskog praznika Kurban bajrama, prisustvovao vjerskim obredima organizovanim u svim džamijama na području Medžlisa IZ Srebrenik, čime je počelo obilježavanje ovog praznika.

Svečano je bilo u svim džematima Medžlisa IZ-e Srebrenik, gdje su imami nakon bajram-namaza pozvali sve vjernike na međusobno uvažavanje, poštivanje starijih i komšija, kao i da pokažu više brige za djecu i omladinu, stare i nemoćne i solidarnost sa svima kojima je pomoć potrebna. Kurban bajram je uz Ramazanski bajram najveći islamski praznik. Traje

četiri dana i za njega se vezuju obred prinošenja žrtve Bogu, odnosno obaveza klanja kurbana, te obred hadža, posjete svetim mjestima u Mekki, zbog čega se naziva i „hadžijski bajram“. Ove godine predsjednik srebreničkog Medžlisa Mevludin-ef. Joldić je otputovao put Mekke i Medine, molimo Allaha da nam se vrate zdravi i živi. Bajram- namaz na području Medžlisa Srebrenik klanjao se na 41 mjestu.

I ove, kao i svake godine kurban-bajram obilježen značajnim aktivnostima, aktivnosti klanja kurbana-žrtve, prikupljanja kurbanskih koža za potrebe IZ-e, prikupljanja kurbanskog mesa za potrebe narodne kuhinje itd. Medžlis u saradnji sa Merhametom svake



NAGRADNI KVIZ

1. Najmlađi hadžija u invalidskim kolicima iz BiH je _____, a hadždž je obavio _____ godine.
2. Koliko kur'anskih sura ima nazive po imenima poslanika? Napiši imena tih sura: _____

3. Šta je keffaret, a šta je fidja? _____
4. Šta je to abdestaštatejemum, navedinjihovefarzoveisunnete? _____

5. Napiši odgovarajuće pojmove!
 1. Amentu billahi _____ 2. _____ i meleke Njegove
 3. we kutubih _____ 4. we rusulih _____
 5. _____ i Dan suđenja 6. we bil kaderi hajrihi we šerih minellaahi teala _____

Najpoznatiji fudbaleri-muslimani u Premiershipu (Engleska liga)

Kao i u mnogim drugim ligama, i u engleskoj ligi postoje fudbaleri muslimani. U ovom članku možete pročitati pet najpoznatiji fudbalera koji nastupaju u Premiershipu. U prilogu se nalaze takođe i slike sa terena.



BARCLAYS PREMIER LEAGUE

ADEL TAARABT. Fudbaler koji je ovog ljeta prešao iz QPR-a u Fulham nakon što je QPR ispao u drugu ligu. Taarabt je francuz, igra na poziciji ofanzivnog veznog, visine je 180 cm. Tržišna vrijednost mu se procjenjuje na 8 miliona funti.



PAPIS CISSE. Senegalac koji nastupa za engleski Newcastle. Igra ofanzivca, klasičnog napadača ili po potrebi ofanzivno veznog. Tržišna vrijednost mu se procjenjuje na 14 miliona funti. Visine je 181 cm.



EDIN DŽEKO. Napadač Manchester Cityja. Proslavio se u Wolfsburgu nakon čega je stigao u Premiership. Igra na poziciji napadača. Najveća zvijezda u BiH reprezentaciji. Visok je 192 cm. Tržišna vrijednost mu je 25 miliona funti.



DEMBA BA. Napadač Chelsea, stigao je iz Newcastla u zimu 2013. godine. Poznat je što nakon gola često padne na sedždu. Visok je 189 cm a tržišna vrijednost mu je oko 15 miliona funti.



MESUT ÖZIL njemački je nogometaš turskog porijekla. Trenutno igra Arsenal. Karijeru je započeo u Schalkeu, igrao i za Werder iz Bremena. te u Real Madridu



godine organizira akciju prikupljanja kurbanskog mesa za potrebe narodne kuhinje Imaret u kojoj se hrani preko 3500 korisnika. No, i pored velikih obaveza nađe se vremena za bajramsku kahvu i baklavu. Tim povodom glavni imam Medžlisa Refik-ef. je drugi dan kurban-bajrama priredio bajramski prijem za načelnika općine Srebrenik Sanela Buljubašića. Na bajramskom prijemu uz kahvu i baklava razgovaralo se o saradnji ove dvije institucije. Bajramski prijem za načelnika i njegove saradnike priređen je u 9 sati u prostorijama zgrade Medžlisa, a u 10 sati priređen je bajramski prijem za sve članove izvršnog odbora Medžlisa IZ-e Srebrenik.

Bajramski koncert

U nizu bajramskih aktivnosti drugog dana kurban-bajrama, sa početkom u 19 sati u prepunoj sali Doma kulture u Srebrenikuu održan je veliki bajramski koncert pod nazivom "Nek mirišu avlije". Sala je tokom koncerta bila prepuna, a veliki broj vjernika i ljubitelja duhovne muzike su morali slušati program iz hola Doma kulture. Ovaj koncert su organizirali hor „Zefir” i MIZ Srebrenik. Na koncertu prisutne je poselamio glavni imam MIZ-e Refik-ef. Hodžić i uputio bajramsku poruku.





MEKTEBSKO TAKMIČENJE MIZ-E SREBRENİK

Kao i svake godine i ove godine se održalo mektepsko takmičenje polaznika mektepske nastave na Medžlisu Srebrenik

Dana 20.04.2014.godine (nedjelja) u prostorijama II osnovne škole u Srebreniku održano je takmičenje za polaznike mektepske nastave na nivou Medžlisa islamske zajednice Srebrenik.

Prema ustaljenim pravilima i propisima takmičenje se odvija u tri kategorije i to:

1. Test općeg islamskog znanja,
2. Kiraet za uzrast do 12 godina,
3. Kiraet za uzrast od 12-15 godina.



Nakon što su dvije odvojene komisije ocijenile radove učesnika, dobili smo i zvanične rezultate.

U kategoriji test općeg islamskog znanja učestvovala su po dva kandidata iz svakog džemata, a poredak je sljedeći, najuspješniji pojedinci su:

1. Emina Emkić džemat Kiseljak
2. Elma Kulović džemat Bare
3. Amra Mujčinović džemat Čehaje
4. Haris Bešić džemat Falešići
5. Dino Ibrić džemat Čehaje

U kategoriji kiraet za uzrast do 12 godina, po jedan kandidat, poredak je sljedeći, najuspješniji pojedinci iz Kiraeta do 12 godina su:

1. Faruk Joldić džemat Brda
2. Hamza Žilić džemat Falešići
3. Nermin Buljubašić džemat Kiseljak
4. Mirsad Begunić džemat Čehaje
5. Najra M.G. Barakat džemat C.Srebrenik

U kategoriji Kiraet za uzrast od 12-15 godina, po jedan kandidat, poredak je sljedeći, najuspješniji pojedinci iz Kiraeta 12-15 godina su:

1. Adna Žilić džemat Falešići
2. Sara M.G. Barakat džemat C.Srebrenik
3. Smajo Ibrahimović džemat Zahirovići
4. su dijelili Lejla Begunić-Čehaje, Ensar Joldić-Brda i Fatima Zejnilagić-Kiseljak
5. Dževad Čatić džemat Lušnica

Zbrajanjem bodova svih kandidata dobijen je i ukupan ekipni poredak kako slijedi, najuspješniji džemati su :

1. Džemat Kiseljak
2. Džemat Čehaje
3. Džemat Falešići
4. Džemat C.Srebrenik
5. Džemat Lušnica

Osim u navedenim kategorijama proglašeni su i najuspješniji muallimi:

1. Ismet ef. Odobašić
2. Jasmin ef. Begunić
3. Mevludin ef. Salkić
4. Emir ef. Brašnjčić
5. Mevludin ef. Joldić



Takmičenje je počelo u 8 sati a završeno je do podne-namaza. Proglašavanje pobjednika, dodjelu diploma i uručivanje novčanih nagrada izvršili su glavni imam Refik-ef Hodžić, predsjednik Medžlisa Mevludin-ef Joldić, Ismet-ef Odobašić, Ramiz ef. Joldić i Jasmin-ef Begunić. Na samom proglašavanju pobjednika iz Kiraeta do 12 godina i Kiraeta 12-15 godina ovogodišnji pobjednici su počastili prisutne učenjem odlomaka iz Kur'ana. Na kraju prisutnima se obratio glavni imam Refik-ef, čestitao pobjednicima, svim učesnicima se zahvalio što su uzeli učešće na ovogodišnjem mektepskom takmičenju, poželio bolje rezultate u daljem radu i pozvao sve polaznike da budu redovni u svojim mektebima.

Pobjednici svih navedenih kategorija nastavljaju takmičenje, kao predstavnici Medžlisa IZ-e Srebrenik, na nivou muftijstva. Molimo Allaha da sve učesnike nagradi i podari im bolji uspjeh u narednim takmičenjima. Svim takmičarima i njihovim muallimima čestitamo na postignutim rezultatima a pobjednicima želimo puno sreće u nastavku takmičenja, uz dovu Allahu da im podari svaki hajr. Amin !

Damir-ef Babajić



ZAVRŠENO SPORTSKO MEKTEBSKO TAKMIČENJE NA MEDŽLISU SREBRENİK



U nedjelju, 23. marta 2014. godine upriličeno je sportsko mektepsko takmičenje na Medžlisu IZ-e Srebrenik. Takmičenje je organizirano na dva stadiona, a razlog tome je nemogućnost organizacije takmičenja na jednom mjestu zbog brojnosti djece. Takmičenje je organizirano u dvije grupe A i B. U svakoj grupi je bilo po 20 džemata, te na kraju takmičenja pobjednički džemati iz A grupe, koje se odigravalo na stadionu Bjelave su otišli na teren stadion Tutnjevac, gdje se odvijalo takmičenje B grupe, kako bi odigrali polufinalne i finalne utakmice. Svečani defile i postrojanje ekipa počeo je u 08:00 sati, učenjem ašereta i zajedničkim učenjem tekbira. Nakon toga prisutne polaznike i njihove muallime u ime vjerskoprosvjetne službe Medžlisa poselamio je Refik-ef Hodžić, glavni imam Medžlisa Srebrenik, te nakon uvodnih riječi i pojašnjenja vezanih za takmičenje, takmičarski dio mektebske lige proglasio otvorenim, a na drugom stadionu Bjelave takmičare grupe A u ime Medžlisa poselamio je koordinator ovog takmičenja Semir ef. Bećirović, imam džemata Podorašje, te nakon uvodnih riječi i pojašnjenja vezanih za takmičenje, takmičarski dio sportskog mektepskog takmičenja proglasio otvorenim. Takmičenje se odvijalo u četiri kategorije: mali nogomet od 1-6 razreda, mali nogomet od 7-9 razreda, između dvije vatre i odbojka za polaznice mektebske nastave.

Mali nogomet od 6-8 razreda

Sportsko mektepsko takmičenje ove godine okupilo je oko 900 učenika mektebske nastave iz svih džemata Medžlisa Islamske zajednice Srebrenik. Kao i ranijih godina, tako i ove mektebske godine, vjersko-prosvjetna služba Medžlisa Srebrenik je u okviru realizacije planova na polju mektebske nastave, pristupila organizaciji sportskog mektepskog takmičenja u kojoj su se takmičili polaznici mektebske nastave u fudbalu, odbojci i igri između dvije vatre za djevojčice. Za razliku od ranijih godina ovogodišnje sportsko mektebsko takmičenje je bilo veoma popularno kod polaznika mektebske nastave, a ove godine su 40 mekteba uzela učešće.

Pomenute ekipe bile su podijeljene u dvije grupe (A i B) od po 20 džemata, a na osnovu osvojenih

bodova u grupnoj fazi u daljnje takmičenje plasirale su se po dvije najbolje ekipe iz grupe. Sve ekipe pomenutih mekteba maksimalno su se zalagale da u okviru svoje grupe izbore plasman u daljnje takmičenje.

Nakon što je završen prvi krug takmičenja, koji je ustvari bio kvalifikacijski, pobjedničke ekipe iz grupe A su otputovale sa svojim muallimima na stadion grupe B te odmah je počeo drugi krug takmičenja. I u ovoj fazi takmičenja igrao se bod sistem.

Prava uzbuđenja počela su kada se počela igrati sama završnica takmičenja, jer je u takmičenju ostalo samo 4 najbolje ekipe. Nakon odigranih utakmica, od četiri ekipe, dvije su izborile nastup u finalu i to:

1. Mjesto ekipa džemata Tinja
2. Mjesto ekipa džemata D.Moranjci
3. i 4. Mjesto ekipa džemata Rapatnica i Potpeć

Tako se mekteb Tinja okitio titulom pobjednika mektepskog takmičenja u kategoriji mali nogomet od 7-9 razreda u ovoj godini na području Medžlisa, koju će nadamo se uspješno braniti sljedeće godine.

Bilo je lijepo posmatrati kako polaznici mekteba u horu zajednički uče tekbire i bratski se selame na početku i kraju svake utakmice, što je zasigurno pozitivan rezultat ovakvih susreta polaznika mektebske nastave, a s druge strane i najvrsniji znalci nogometne lopte mogli su uživati u fudbalskom umijeću polaznika mektebske nastave.

Mali nogomet od 1-6 razreda

Sumirajući rezultate nakon provedenog takmičenja došli smo do sljedećeg poredka:

1. Mjesto ekipa džemata Hrvati
2. Mjesto ekipa džemata D.Potok
3. i 4. Mjesto ekipa džemata D.Srebrenik i Zahirovići

Odbojka za polaznice mektebske nastave

Na kraju takmičenja dobili smo sljedeće rezultate:

1. Mjesto ekipa džemata Špionica

2. Mjesto ekipa džemata Dedići
 3. i 4. Mjesto ekipa džemata Tutnjevac i Behrami
- ### Disciplina između dvije vatre za polaznice mekteba

U ovoj discipline nije se odigravalo finalni susret pa se proglasili pobjednici po grupama. Na kraju takmičenja dobili smo sljedeće rezultate u grupi A:

1. Mjesto ekipa džemata Potpeć
2. Mjesto ekipa džemata Podorašje
3. Mjesto ekipa džemata D.Potok

Na kraju takmičenja dobili smo sljedeće rezultate u grupi B:

1. Mjesto ekipa džemata Brnjičani
2. Mjesto ekipa džemata Babunovići
3. Mjesto ekipa džemata Špionica

Kao što se može vidjeti i prema rezultatima, utakmice su bile veoma zanimljive sa dosta golova i dobrih fudbalskih poteza. Na kraju konačni poredak sportskog mektepskog takmičenja 2014. godine je izgleda ovako:

1. Mjesto ekipa džemata Špionica
2. Mjesto ekipa džemata Tinja
3. Mjesto ekipa džemata Hrvati

Nakon svih utakmica ponovo je izvršen svečani defile ekipa te podjela diploma i pehara najboljim, koje je u ime Medžlisa uručio glavni imam Refik-ef Hodžić. Dodijeljeni su pehari finalistima i diplomama pobjedničkim ekipama.

Pobjedničkoj ekipi, džemata Tinja, koja će Medžlis Srebrenik predstavljati na regionalnom takmičenju muftijstva tuzlanskog želimo puno sportske sreće i uspjeha i da dostojno predstavljaju naš Medžlis.

Na kraju zahvaljujemo svim muallimima sa područja Medžlisa Srebrenik koji su se potrudili sa svoje strane da i ovogodišnje sportsko mektebsko takmičenje i ovaj projekat hairi završimo. Molimo Allaha da nagradi imame i muallime i da im podari svaki hajr, muallimima i polaznicima mekteba. Amin!

Damir-ef Babajić




LITERARNI RADOVI POLAZNIKA MEKTEBSKE NASTAVE



Nurikić Nejra IIa - Džemat C.Srebrenik



Ajna Čekić V-a, Džemat C.Srebrenik



Zumera Ibraimi, Medina Ibraimi, Džemat C.Srebrenik

BOSNA

U zemlji jednoj živim,
Bosna ona se zove.
Svemu njenom se divim,
Ponos Bošnjaka to je.

U Bosnu stranci kada dođu,
Zastaće na svakom koraku,
Ljepotu prepoznat će njenu,
i u najmanjem sokaku.

Duša moja je prazna,
Kada sam daleko odavde,
Iz srca ne dam te nikome,
Neka cijeli svijet to znade.

*Hodžić Vanesa,
V razred II OŠ, Džemat C. Srebrenik*

POVJERLJIV ČOVJEK

U davna vremena živio je pravedan kralj, plemenito stvorenje. Želio je da izabere povjerljivog čovjeka za svoju blagajnu, ali, bio je zbunjen kako ga odabrati.

Kralj je imao mudrog i pametnog prijatelja, pa ga je konsultovao govoreći: "Znaj moj prijatelju da mi je potreban blagajnik za moj novac, i ne znam kako da ga izaberem, pa mi u tome pomози." Mudrac je dugo razmišljao, zatim je podigao glavu i rekao kralju: "Ne brini se prijatelju moj, našao sam način na koji ćemo izabrati povjerljivog čovjeka."

Sutradan ujutro, ljudi su čuli glasnika kako doziva: "O ljudi, ko želi da bude blagajnik kralja, neka obuče najljepšu odjeću i neka se uputi ka palači da pleše, i ko najbolje bude plesao postat će kraljev blagajnik (rizničar)."

Ko god bi ušao u dvorac, morao je proći kroz mračan trijem i ostajao bi tamo dok mu se ne otvore vrata sale za ples, a mudrac je svo blago kralja stavio u trijem.

Ljudi su počeli plesati, ali su im pokreti bili teški, osim jednog čovjeka koji je plesao lagahno i aktivno. Mudrac je pogledao u kralja i rekao mu: "Ovaj vrijedni čovjek ti odgovara!" Kralj se začudio i rekao: "Kako ti to znaš?" Mudrac reče: "Zato što su ostali svoje džepove napunili sa onime što su ukrali iz trijema."

S arapskog preveo: Emir Brašnjčić

OBILJEŽENA NOVA HIDŽRETSKA GODINA NA MEDŽLISU IZ-E SREBRENİK

Centralna svečanost povodom nove hidžretske godine u džematu Duboki Potok

Muslimanska nova godina počinje prvog dana mjeseca muharema hidžretske godine. Hidžretskom godinom se obilježava preseljenje Allahovog poslanika a.s. iz Mekke u Medinu. Taj dan se obilježava vjerskim manifestacijama: učenjem Kur'ana, tribinama, predavanjima za tu priliku.

U prisustvu velikog broja džematlija iz svih džemata našeg Medžlisa na dostojanstven način obilježena je Nova 1435. hidžretska godina. Tim povodom Medžlis Islamske zajednice Srebrenik organizovao je centralnu svečanost u povodu Nove hidžretske 1435. godine u džematu Duboki Potok dana 04.11.2013.godine na podne-namazu. Svečanost je obilježena učenjem Kur'ana, mevluda, prigodnim predavanjem, izvođenjem ilahija i kasida.

Na samom početku, nakon klanjanja podne-namaza i proučenog ašereta prisutnima se obratio imam ovog džemata Jasmin-ef Sukanović, koji je poselamio veliki skup i uputio riječi dobrodošlice. Potom su imami Medžlisa Srebrenik proučili mevlud i nekoliko ilahija i kasida. Poslije proučenog mevluda i ilahija prisutnima se obratio glavni imam Medžlisa IZ-e Srebrenik Refik-ef Hodžić, koji je poselamio prisutne vjernike, te govorio o značaju obilježavanja praznika u muslimanskom kalendaru, Nove hidžretske godine. Na kraju je čestitao svim muslimanima i muslimankama ovaj praznik riječima: "U ime MIZ-e Srebrenik, svim muslimanima i muslimankama upućujemo najiskrenije čestitke u povodu dolaska nove hidžretske 1435.godine. Neka nam Uzvišeni Allah podari snage da u

Novoj 1435. hidžrestkoj godini ostavimo sve što ne valja, što je loše za nas ali i za druge ljude. Neka nam Nova 1435. h.g. bude godina napretka, prosperiteta i svih pozitivnih stremljenja, kao i nova prilika da svoj život promijenimo i učinimo ga životom s kojim će biti zadovoljan Uzvišeni Allah i radosni oni s kojima dijelimo dunjalučko vrijeme i prostor".

Poslije glavnog imama prisutne je nadahnuo svojim govorom mr. Mirsad-ef. Kalajdžić, šef ureda za dijasporu, koji je izrazio svoje zadovoljstvo što se nalazi danas u ovom džematu. Veoma inspirativan govor je bio Mirsad-ef Kalajdžića, koji je ukazao na današnje stanje muslimana. Čestitao je svim vjernicima nastupajući praznik sa željom puno zdravlja, sloge i međusobnog pomaganja.

Učenjem Kur'ana, prigodnim predavanjima, izvođenjem ilahija i kasida izaslane su poruke hidžre te podsjetilo na ovaj događaj. Na kraju dovu je proučio Emir-ef. Brašnjić, imam centralne džamije u Srebreniku.

Nova hidžretska godina je obilježena u svim džematima Medžlisa Srebrenik.

U džematu Babunovići uz prigodan program učenje Kur'ana, mevluda i prigodnog predavanja imama džemata Babunovići, polaznici mekteba Babunovići su obradovani paketićima. Svim polaznicima mekteba su uručeni paketići, a uručio ih je njihov muallim Ahmed-ef Mujkić, koji ne žali ni trud ni vrijeme na polju mektepske nastave.

Obilježavanje hidžretske nove godine u džematu Špionica, kao i uvijek, donosi radost svima, najviše najmlađim članovima džemata. Oko 100 polaznika mektepske nastave ovog džemata je dobilo paketice, ali i svi mlađi koji ne idu u mekteb, a došli su na jaciju-namaz sa svojim roditeljima. Nakon akšam-namaza upriličena je svečanost, učenjem

Kur'ana, mevluda, ilahija i kasida, a na kraju programa prisutnima se obratio imam džemata Špionica Refik-ef. Hodžić sa nekoliko savjeta. Nakon klanjanja jacije-namaza uz prisustvo velikog broja džematlija upriličen je nesvakidašnji vatromet, kako i priliči ovakvom događaju. Sve pohvale Džematskom odboru na čelu sa Zijadom Bašićem i imamom Refik-ef. Hodžićem.

Imami Medžlisa IZ-e Srebrenik su organizovali druženje povodom nove 1435.h.g. u prostorijama UG "Pustinjaska ruža", dok su hanume se družile u bosanskoj sobi Medžlisa Srebrenik. Udruženje mladih Medžlisa Srebrenik su upriličili druženje povodom nove 1435.h.g. u prostorijama centralne džamije Srebrenik. Nakon prigodnog programa i obraćanja imama ove džamije Emir-ef. Brašnjića, uslijedilo je druženje uz kahvu i baklava.

Gospodaru naš, pomozmi muhadžirima i muhadžirkama ma gdje bili! Ne iskušavaj nas sa onim što ne možemo podnijeti! Ako nehotično pogriješimo, oprost nam, o Milostivi! Učini nas od onih koji stiču korisnu nauku! Oprosti nam grijeha i počasti nas u Džennetu sa društvom poslanika, šehida i dobrih ljudi! Neka nam nova 1435. h.g. bude bolja, podari nam snage i uspjeha u radu. Amin!

Kolektiv Medžlisa IZ-e Srebrenik ovim putem svim pripadnicima islamske vjeroispovijesti želi sretnu Novu hidžretsku 1435. godinu.

Damir-ef Babajić




Polaznici mekteba Babunovići



Polaznici mekteba Špionica



OTVORENA DŽAMIJA U DŽEMATU ZAHIROVIĆI



Oko osam hiljada vjernika prisustvovalo je u nedjelju, 15. septembra 2013. godine, svečanom otvorenju novosagrađene džamije u džematu Zahirovići, Medžlis islamske zajednice Srebrenik. Brojni imami, glavni imami, veliki broj vjernika iz cijele BiH i šire-a to potvrđuje informacija da je stiglo 73 autobusa iz svih krajeva BiH, te izaslanik reisu-l-uleme u BiH mr. Husein-ef. Kavazovića, doc.dr. Almir-ef Fatić, profesor na katedri tefsira na FIN-a u Sarajevu, izaslanik muftije tuzlanskog mr. Vahid-ef. Fazlovića dr. Sead-ef. Seljubac, te glavni imam Medžlisa IZ Srebrenik Refik-ef Hodžić, nazočili su i uputili pohvale vrijednim i čestitim Zahirovićanima na još jednoj pobjedi, još jednoj novosagrađenoj džamiji. Džemat Zahirovići je jedan od najstarijih džemata na ovom Medžlisu. Formiran je 1939. godine, kada je i svečano otvorena ova stara džamija koju vidite ispred sebe. U sastavu džemata je i zaseok Like, koji je udaljen jedan kilometar od Zahirovića. Broji oko 200 domaćinstava sa blizu 1.000 stanovnika, koje uglavnom čini domicilno stanovništvo. Ovaj džemat je iznjedrio 7 šehida. Ovom džematu je do 2008 godine pripadao i zaseok Kurtići, koji se te godine otcepljuju i formiraju zasebni džemat. U ovom džematu žive vrijedni i darežljivi ljudi-istakao je imam ovog džemata Sabit-ef Ibrahimović

Imamsko-hatibsku i muallimsku dužnost trenutno obavlja imam Sabit-ef Ibrahimović. Mektebska nastava se odvija po planu i programu Rijasetu islamske zajednice, a upisanih polaznika u ovoj godini je 40 od kojih 10 uči Kur'an. U Zahirovićima je od davnina postojala džamija, a prva je sagrađena 1939. godine, koju je „zub vremena“ znatno oštetio, pa su vrijedne džematlije iz Zahirovića, 1969. godine, istu u potpunosti renovirali i temeljito obnovili. Svečano otvorenje džamije bilo je 1939. godine. 2003 godine javlja se ideja za gradnju nove i veće džamije u Zahirovićima, jer postojeća džamija nije mogla zadovoljiti veliki broj džematlija, a i vremenom je pretrpjela oštećenja temelja, što je dovelo do pucanja zidova na više mjesta. Ideja potiče od vrijednih džematlija, a kako nam ističe član građevinskog odbora za izgradnju džamije i blagajnik G.O. Ševalija Junuzović, najveći inicijator i jedan od većih vakifa ove džamije bio je hadžija Mirsad Bašić. Gradnja džamije započela je 2003. godine a njene dimenzije su 12 x 14 metara sa suterenom koji sadrži mektebsku učionicu, abdesthanu, mokri čvor. U narednim godinama su završeni radovi na kupolama koje su obložene bakrom, izvedeni su svi radovi na elektroinstalacijama, urađeno je grijanje a vrhunac svega je izgradnja minare sa četiri šerefe. Nakon 10 godina rada na džamiji, koju su džematlije Zahirovića uz pomoć donacija sa strane, dočekan je i trenutak konačnog završetka- istakao je Ševalija u svom govoru. On dodaje da je gradnja ove džamije koštala oko 350 hiljada KM, a najveći vakif ove džamije je Kavgić Sanel sa Luke, koji je svojih 50 hiljada KM uvakufio za potrebe ove

džamije.

Obzirom da se radi o savremenom zdanju urađeno je podno grijanje a mještani nisu štedjeli ni na mermeru, granitu, ogradi od inoksa a jedna od najskupljih stavki je

skupocjena ograda, koja je postavljena oko čitavog kompleksa džamije. Svečanosti otvaranja prisustvovali su vjernici iz svih krajeva Bosne i Hercegovine. Kako već rekoh riječ je o jednoj od najljepših džamija na području Medžlisa IZ Srebrenik, koju posebno ukrašavaju kupole, te visoka munara sa četiri šerefe. Ovo je džamija koja funkcioniše u punom kapacitetu, koja nije građena kao spomenik kulture nego je, Božijom milošću, iznutra živa od sabaha do kasne večeri.

Okupljenim vjernicima obratili su se načelnik općine Srebrenik Sanel Buljubašić, Refik ef. Hodžić, glavni imam Medžlisa IZ Srebrenik, dr. Sead-ef Seljubac, izaslanik muftije tuzlanskog i izaslanik reisu-l-uleme u BiH mr. Husein-ef. Kavazovića, doc.dr. Almir-ef Fatić, profesor tefsira na FIN-a u Sarajevu. „Islamska zajednica BiH zapravo se potvrđuje, organizuje i iskazuje kroz izgradnju džamija i obnovu džemata. Zbog toga upućujem iskrene čestitke Medžlisu IZ Srebrenik i vrijednim džematlijama Zahirovića na otvaranju ove prelijepe džamije...“ istakao je ef. Fatić.

Potom je istakao važnost namaza i džemata, te govorio o autentičnosti namaza, koji nas mora posebno zanimati.

Glavni imam Refik-ef je u svom izlaganju kazao: „Džamija nije samo zgrada, džamija ima dušu. Mi smo ponos ove džamije a ne njena mimbera...“ Prisutnima se obratio i izaslanik muftije tuzlanskog dr. Sead-ef. Seljubac: „Gradići džamiju je čast, jer su džamije Allahove kuće. Ko izgradi džamiju na dunjaluku Allah će njemu na Sudnjem danu... Gradeći džamiju gradimo sebe... Džamija treba da ojača naš duh i naše zajedništvo“. Donatorima koji su dali najveći doprinos na izgradnji džamije u Zahirovićima predstavnici Medžlisa IZ Srebrenik i građevinski odbor uručili su zahvalnice noć uoči otvorenja džamije, a čast da otvori novosagrađenu džamiju, da primi vakufnamu na dan otvorenja, pripala je najvećem vakifu Sanelu Kavgiću, koji je donirao 50 hiljada KM. „Hvala Allahu koji me počastio da ja danas budem od onih koji će prvi staviti ključ u bravu ove džamije, koji mi je podario nafaku da je mogu udjeljivat. Ja sam Sanel Kavgić iz Luke a moji korijeni potiču baš iz ovog džemata, ovdje sam proveo svoju

mladost kod rahmetli djeda i nene, i to je jedan od razloga zašto sam baš odlučio da svoj hajr uvakufim u ovu džamiju. Znam da bi moji djed i nana sada bili ponosni na mene da su živi, a ja danas molim Boga da ih uvede u Džennet kada su me odgojili na putu udjeljivanja. Zahvaljujem se svojoj porodici, ocu i majci, ženi i djeci, koji su mi bili podrška u ovom hairli djelu. Mogu samo kazati da sve što više dajem u hajr da i meni Allah otvara svoja vrata nafake i da On meni sve više i više daje. Danas pozivam sve vas da ne ispuštate priliku da dadnete kada vam se ona ukaže, zasigurno vaše je ono samo što dadnete u ime Boga, jer u životu ne ćete imati puno prilika. Još jednom hvala svima koji ste došli da uveličate ovu našu svečanost da vas dragi Allah za to nagradi"- kazao je Sanel Kavgić, najveći vakif ove džamije.

Odluku o otvorenju džamije pročitao je predsjednik Medžlisa IZ-e Srebrenik Mevludin ef. Joldić, a ključ džamije predao je izaslanik reisu-l-uleme dr. Almir-ef Fatić, te proglasio ovu džamiju vlasništvom Islamske zajednice. Domaćini su bili u velikom poslu i uspjeli su napraviti prelijep ambijent uz idealno vrijeme koje je u potpunosti išlo na ruku domaćinima.

Noć uoči otvorenja džamije između akšama i jacie, upriličena je svečanost Mevludi-šerifa, koji je izveden na platou ispred džamije. Izaslanik muftije tuzlanskog dr. Osman-ef Kozlić je počastio prisutne vjernike savjetima. Ukazao je na značaj namaza, vjernika, bratskih i komšijskih odnosa, na važnost očuvanja tradicije nas Bošnjaka. Pozvao je sve prisutne da potvrde svoj identitet na predstojećem popisu stanovništva. Noć uoči proklanjanja džamije podijeljene su zahvalnice svim donatorima, koji su svoja sredstva dali za ovu džamiju. U ovoj noći pet polaznika mekteba Zahirovići su svečano dobili diplomu o završenoj hatmi, a diplome su im uručili predstavnici Medžlisa Srebrenik, a poklone ispred džemata uručio im je zamjenik predsjednika džematskog odbora.

Nakon jacie-namaza u džamije je proučen zikr, a predvodio ga je šejh Edib-Ajni Kravić, šejh nakšibendijske tekije u Tuzli "Ahmed Nurudin". Zamolimo Allaha dž.š. da i ovom džematu i svima nama pokaže pravi put i u nama probudi onu pravu islamsku bratsku ljubav. Amin!

Damir ef. Babajić

SKRIVENI GRIJEH

Jedne večeri, dok su hazreti Omer i hazreti Abdullah b. Mesud šetali, ugledali su neku svjetlost u daljini. Zaputili su se prema njoj, te stali ispred vrata. Kada je Omer pogledao unutra, vidio je kako ispred jednog starca stoji flasa vina i kako mu neka djevojka pleše i pjeva. Bez ikakve najave domaćinu, upao je unutra i rekao: "Noćas nisam vidio nista ružnije od ovoga što radi ovaj starac." Starac je podigao glavu i odgovorio: "Vođo vjernika, to što si ti uradio gore je od ovoga što ja radim, jer je Allah, dž.š., zabranio istraživanje tuđih privatnosti, a ti si istraživao moju. Bez moje dozvole si ušao u moju kuću i nisi nazvao selam!" Hazreti Omer je na takav odgovor uzdahnuo riječima "Vallahi, govoriš istinu", te zaplakao i rekao slijedeće: "Ako Allah ne oprosti Omeru, jadan Omer!" A ovaj čovjek je krio svoja djela i od vlastite djece.

Starac se nakon ovoga neko vrijeme držao daleko od hazreti Omera. Nije išao kod njega, niti mu je izlazio na oči. Jednog dana je Omer, r.a., dok je sjedio sa prijateljima, primijetio starca kako krišom dolazi i sjeda u zadnje redove džemata. Obratio se prisutnima: "Recite tom starcu neka dođe do mene."

Jadan čovjek je očekivao poniženje od strane halife i sporim korakom je došao do njega. Hazreti Omer ga je dobro primakao sebi i rekao mu da sjedne odmah pored njega. Šapnuo mu je sljedeće: "Kunem se Allahom da nisam nikome rekao ono što sam vidio onu noć. A nije rekao ni Abdullah koji je te večeri bio sa mnom."

Starac se primakao Omeru i rekao: "I ja se kunem Allahom koji je poslao Muhammeda, a.s., da od onog dana to više nikada nisam ponovio."

Na to je halifa Omer, r.a., glasno uzviknuo: "Allahu ekber!" Ljudi nisu znali zbog čega je hazreti Omer donio tekbir.

ZANIMLJIVE PRIČE VELIKA NAGRADA

Čovjek po imenu Tarif imao je običaj da sjedi na ulici i razgovara sa ljudima. Pričao im je zanimljive priče i šale. Svako ko bi ga vidio ili čuo, smijao bi se. Živio je od onoga što su mu plaćali oni koji su ga oduševljeno gledali i slušali. Jednog dana sjedio je blizu sultanovog dvorca. Sluga sa dvorca ga je vidio i oduševio se. Ispričao je sultanu, koji je poželio da ga upozna. Sluga ode do Tarifa i reče mu: - Sultan želi da čuje tvoje šale i priče. A pola nagrade koju dobijes od sultana dat ćeš meni. - Ići ću s tobom do sultana, ali ne pristajem da ti dam pola nagrade - reče Tarif - pola je mnogo. Ja sam siromašan, uzmi šestinu ili najviše četvrtinu nagrade. Sluga je bio pohlepan. Odbi da uzme manje od polovine, tako da su se dugo raspravljali. Naposljetku Tarifu dosadi da se raspravlja, pa popusti pred sluginim zahtjevima. Njih dvojica uputiše se prema dvorcu. Tarif stade pred sultana.

- Rekli su mi da pričaš čudnovate i smiješne priče. Ispričaj mi šta znaš. Ako me nasmiješ, dat ću ti veliku nagradu. Ali znaš li šta će biti ako se to ne desi?! - Ako te ne nasmijem, neka me udare sa deset udaraca bičem!

- Hajde pričaj, slušam te! - reče sultan. Pričao je sve dok nije ispričao sve svoje priče koje je znao. Sve sultanove sluge neprekidno su se smijale, ali sultan se ni jednom ne nasmija.

- Sultane! - tužno uzviknu Tarif - ispričao sam sve što sam znao i boli me glava. Ostala je samo još jedna priča. Dogovorili smo se da me bičujes sa deset udaraca bičem, ako te ne nasmijem. Molim te, naredi da me bičuju sa dodatnih deset udaraca.

Sultana iznenadi taj zahtjev. Poče se smijati, ali vješto sakri svoj smijeh. Pozva sražare i naredi im da ga udare sa dvadeset udaraca bičem. Udarali su ga sve dok ne dođoše do desetog udarca. - Sultanu, želim nešto reći?! - uzviknu Tarif. Sultan im naredi da prekinu sa bičevanjem. Okrenu se prema njemu i upita ga: - Šta želiš? - Sultanu, nešto najljepše na ovom svijetu je poštenje, a najružnija je prevara! Tvoj sluga se dogovorio sa mnom da mu dam pola nagrade. Dobio sam pola, a pola je ostalo njemu!

Sultan se nasmija do suza, a onda pozva slugu i stražarima reče: - Udarajte ga! - Šta sam uradio, gospodaru moj - reče uplašeni sluga - da me bičujete?! Sultan se nasmiješi i pogleda u Tarifa koji reče slugi: - Ovo je tvoj dio nagrade koju sam dobio od sultana. Ti si moj partner kao što smo se dogovorili. Dobio sam pola nagrade, a na tebi je da primiš drugu polovinu! Stražari počeoše bičevati slugu, a Tarif mu reče: - Rekao sam ti da sam siromah i molio sam te da uzmeš četvrtinu nagrade, a ti si odbio. Hajde, uzmi polovinu, nadam se da ćeš se zasititi. Sultan se nasmija, izvadi kesu sa novcem i reče Tarifu:

- Ova kesu pripada tebi, jer si me protiv moje volje nasmijao! Tarif uze novac, zahvali se sultanu i ode sretan.





Čips

Corn Flips

Slani štapiči

popolna izbava

100% KORN

Classic



CORN FLIPS